


# 石倉十二代詩選

四十七



宋廿六之廿七

漢書門		
三	七	四
九	七	五
架	函	號
一	四	二
冊		

漢書		
三	七	四
九	七	五
架	冊	號
一	四	二
冊		

內閣文庫	
番號	漢 3745
冊數	142 ( 49 )
函號	319 25

宋詩廿四

四十七



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



石倉十二代詩選 宋詩卷之二十六

慶湖集

宋開封賀鑄著

明後學曹學佺閱

叢臺歌

按邯鄲縣譜叢臺趙武靈王築起地三百尺今故址猶十仞在縣中

東北隅元豐辛酉七月同邑令濮人杜儼仲觀登杜先有此詩要余同賦

累土三百尺流火二千年。人生物數不相待。摧

頽故址秋風前。武靈舊壘今安在。禿樹無陰困

樵采。玉簫金鏡未銷沈。幾見耕夫到城賣。君不

見叢臺。全盛時綺羅成市遊。春暉一從瑀輦閉

歷代詩選

宋賢詩話卷二十六

二

周

荒草蕭散行雲無復歸招魂想像風流跡晴華  
露蔓猶依稀登臨弔古將誰語城郭人民今是  
非層簷碧瓦碎平地夢作鴛鴦相伴飛

彭城三詠

元豐甲子余與彭城張仲謀

父東萊寇昌朝元弼彭城陳師仲傳道

臨城王適子立宋城王和文舉采徐方

陳迹分詠之余得戲馬臺斬蛇澤歌鳳

臺三題卽賦焉

秦蛇已中斷劉項方龍戰叱咤沮風雲睢紆走

霆電鴻溝一畫天地開楚王洗劍東歸來新都  
形勝控淮泗籠山絡谷營高臺重曠登覽何爲  
者不知招賢知戲馬上如激矢下投丸蘭筋霜  
腕便回盤半夜悲歌雖不逝明日陰陵行路難  
駭牝三千歸漢苑粟豆尤聞蠹縣官君不見華  
山之陽古垆牧春風吹草年年綠

右戲馬臺歌臺在郡城南

君不聞泗濱昔日有亭長送徒咸陽失收掌澤  
中置酒飲相訣吾亦從茲犇芒碭陰風蕭蕭導

歷代詩選  
者懼前有脩蛇怒橫路酒酣拔劍肯留行劃斷  
蜿蜒不回顧河明月出人踵來彼媪何冤號且  
哀謂遭赤帝屠吾子語竟莫知安在哉真人聞  
此自心許茫茫四海吾其主虎變龍飛十二年  
馘項梟英蓋狐鼠半夜雄鉞飛上天幾見長陵  
一杯土

右斬蛇澤歌澤在豐縣西二十里

漢祖高風百尺臺千年客土生蒿萊無窮人事  
水東去如故地形山四來江淮猶沸鯨鯢血八

十一車枉歸轍白叟逢迎皆故人牢酒歡呼  
將別嶠澗迢遙非我鄉死生此地烏能忘酒闌  
鳴筑動雲物青衿兒曹隨抑揚爾時可無股肱  
力端思猛士守四方君不聞淮陰就縛何慷慨  
解道烏盡良弓藏

右歌風臺詞臺在沛縣郭內

江南曲

遊倡寒杜若別浦鴛鴦落向晚鯉魚風客檣千  
里泊當時桃葉是新聲千載長餘隔水情烏衣

巷裏人誰在白鷺洲邊草自生

子規詞

長江靡施山坡陀旅竹荒松蒙葛蘿蠶初眠起  
風日暖梅弄黃時煙雨多山間有徑行逶迤倦  
客據鞍生睡魔奈爾思歸啼鳥何子規鳥不如  
歸去好誰家西北晨高樓幾爲王孫怨芳草子  
規憐爾解歸飛我獨何心長不歸十年迹絕蘇  
門道夢裏舊遊知是非

廣張衡西愁寄李諲

李字智父時  
爲白馬從事

夜如何其夜未央斗星燦兮河蒼涼明月入牖  
窺曲房候蟲刺促鳴我床離憂歛來煎人腸綠  
琴在薦兮擬楚奏之沈湘朱弦濕露兮聲戾指  
而不揚我有所思兮在河之陽優而不見兮裏  
難弭忘明璫玉案兮爾不我將緘誠結惠兮久  
莫汝償永如牛女兮南北相望西風蕭颯兮凌  
百草以殞黃蘭萎芰裂兮恐被服之不芳念汝  
玉立兮賤組繡之文章玄節日厲兮奈慄慄之  
冰霜胡不乘白雲兮歸來乎帝鄉尚何所徯兮

畢永歲而彷徨

故鄴

按鄴都記漢建安十二年曹操滅袁氏  
始大築鄴當時京兆洛陽南陽許皆大  
都而鄴爲之長操子丕代漢復定都洛  
陽此後僭竊更據鄴而未始殘破元魏  
孝文帝自代南巡駐蹕鄴下久之以南  
望枉人山北接柏人縣非善地遂去之  
河南將行挂飯罍于城樓上識者解之

挂飯懸食也豈待玄孫宅此乎至孝靜  
帝果爲高歡劫遷都鄴齊五王營建宮  
室規模壯麗逾前魏周武平齊焚撤畧  
盡及楊堅克尉迺遂洿瀦之築京觀于  
葛屨山徙郡治安陽鄴猶爲屬邑熙寧  
間始廢之戊午九月獨遊晚歸馬上賦  
魏武昔恢圖北平譚尚孽十鄴築新都非徒爲  
三穴將行遷鼎志遠有分香訣落日總帷空奠  
終歌舞闋旋聞灑洛上載起蒼龍闕四葉不歸

東苔花馳道絕。食槽識終驗。挂飯期先決。擾攘  
百年間。累車尋覆轍。山川氣象變。朝市繁華歇。  
白露復青蕪。茫茫換時節。陰風吹葛屨。燐火走  
兵血。木葉下西陵。寒蟲助騷屑。

對酒 庚申三月晦滄陽賦

白駒不可駐。尺璧非所珍。獨挹盈樽酒。悲歌送  
狙春。歌闌酒亦盡。回首迹已陳。自笑十年仕。尚  
迷沮溺津。豈無濯纓水。奈爾長路塵。命也復何  
道。今人猶昔人。

閒情

紫苔生玉甃。青窓隱夕曛。佳人久不見。翠被銷  
檀薰。長巾拂綠綺。上有三年塵。聊彈別燕弄。寄  
謝陽臺雲。

燭蛾

雙蛾來翩翩。慕此堂上燭。附炎竟何功。自取焚  
如酷。感彼萬動微。保生在無欲。不見青林蟬。飲  
風聊自足。

題蘭陵王碑陰 碑載王名肅字長恭北

齊文襄之子。按北史直書長恭而沒其名。蓋當時以字行。而史失其詳。爾王有武畧。善撫士。每得一瓜。數李。必分甘餌。衆金墉之戰。免胄先登。推功第一。今蘭陵王曲。卽凱歌也。爲後主所忌。得疾不治。而卒。以鳩毒。碑陰刻王弟延宋一詩。甚哀。墓在滏陽西南十里。道占其東。夏潦所湊。壠已半圯。碑字大兼小隸。法有古氣。而不著書人名。文乃盧思道也。庚

申九月十日賦

齊室生武賢。蘭陵顛頗牧。析爪饗虎士。饜慰比梁肉。金墉免胄戰。破陣何神速。樂府有遺聲。當歌凱旋曲。磐宗旣不壽。霸祚宜爾促。十代六百年。人間變陵谷。荒塗接幽壠。誰復禁樵牧。窆石半欹摧。鉤鋤斷鼈足。蒼苔蝕珠刻。仰睇眩塵目。操翰無愧辭。千言不爲辱。人生妄區別。共盡同草木。何待雍門彈。令君淚盈匊。

冬夜寓直 庚申十月滏陽賦



盧仝詩選  
落月半侵屋，蛩聲寒到牀。羈人不堪此，夢後夜  
仍長。結衣出庭戶，河漢正蒼涼。浮陰暝四野，來  
雁不知行。陳物悲暮節，畏途懷故鄉。十年泥滓  
賤，馳驅厭路傍。豈不志事功，鬢毛攬朝霜。素尚  
竟誰許，行歌追楚狂。

冠氏送武欽之安陽

黃金絡征轡，之子待明發。樽酒少遲留，禪林見  
涼月。歌鬟結蛾黛，怨此佳期濶。去去柳堤風，青  
蟬催白髮。

寄杜邯鄲

余寓居魏之冠氏，杜仲觀以詩  
相招，屬大河北徙，莫知其津，竟  
不果赴，但  
賦此答之。

窮巷厭多雨，頽垣藜藿生。蝸蟾飽風露，晏景一  
何清。坐指歲芳歇，羈人心骨驚。所懷不可見，東  
州聞政聲。三年但弦歌，百里稱神明。風月動高  
興，詩章時一鳴。天葩落健筆，直與春工爭。渾河  
失故渠，怒水方縱橫。難憑束葦濟，跬步萬里程。  
夢想不知遠，笑談何可弁。賴有西飛翰，尺紙緘  
馳情。

除夜歎京師賦示周沆

壯髮忽種種年華今復窮客懷少安適况乃京  
 塵中病肺厭斟酌疲筋謝過從閑坊稅老屋車  
 馬無來蹤日俸纔百錢監蓋猶不供夜榻覆龍  
 具晨炊熏馬通出門欲貸乞羞汗難為容安得  
 一扁舟浮家乘興東江山比深隱終老為田翁  
 春秧二頃苗秋穫期百鍾稚子課樵汲壯妻兼  
 織春行歌滄浪清卧快柴桑風神明養內觀憂  
 患無旁攻有客聞此言謂余何不衷茲行果勇

决誰攬冥冥鴻安知祿籍間去就如樊籠微尚  
 良自信所悲君不同

寄杜仲觀

憶昔叢臺下觀嚴挺之懷古賦  
 蔡有隣書鐫碑在佛祠中

中春雨收霽與子登叢臺形勝宛然在太行西  
 北來無情百尺土千載未摧頽四顧發悲嘯淒  
 風振頤頰凌高氣象變似不容徘徊下出破禪  
 刹斷碑生紫苔嚴公賦懷古復使後人哀西尋  
 王氏園一徑趨城隈老竹未萌筍繁花如雪開  
 惠然美少年逸躅欣攀陪小榭羅醯豆開簾按

歷代詩選 卷之六 九  
俳詼招呼縹緲人。晚鏡催妝梅水調。唱金縷雲  
疊浮玉醅。傾腸敢惜醉。忘著接離回。明日遂分  
首。舊遊安在哉。西風吹去雁。尺紙爲君裁。

遊雲龍張氏山居

雲龍山距彭城郭南

三里郡人張天驥聖塗築亭于西麓元  
豐初郡守睂山蘇公屢登燕于此亭下  
畜二鶴因以放鶴名亭復爲之記亭下  
有小屋曰蘇齋壁間榜睂山所留二詩  
及畫大枯株亦公醉筆也亭上一逕至

山腹有石如礮冶者公復題三十許字  
記戊午仲冬雪後與二三子攜惠山泉  
烹鳳團此巖下張卽饒之壬戌秋余初  
至徐張惠然見臨繼相招爲山中遊

昔聞張逸民卜築雲龍山東望結遐想喜得彭  
城官一語定襟契宛如平生歡招攜屬休沐投  
此蘿薜閒女僕候門巷青鞋雙翠鬟蘇齋軒戶  
明餅火焚椒蘭寶墨鬼神護清詩冰玉寒森然  
拱簷霑架石排琅玕東趨放鶴亭磴道披茅菅

歷代詩選 宋贊本同 十  
指顧百村落炊煙林莽間日脚灑平陸兩山如  
斷環淒風振晚葉坐怯衣裳單引領紫霄極飄  
颻如可干緬懷眉山公五馬來遊盤酣興走顛  
筆蒼崖卽鏡刊午年仲冬月雪野雲彌漫掃石  
坐舒嘯惠泉烹鳳團當時詫盛集千古陋達安  
俛仰迹遂陳斯人久泥蟠我來後千日逸矚何  
由攀仰懷勝事在俯遵塵路還山英能不辱時  
歎白雲關

登黃樓有懷蘇眉山 時公謫居黃岡

登黃樓望黃州黃州望不見樓下水東流水流  
何可留浮雲更悠悠傷心澤畔客憔悴楚蘭秋

燕子樓

城據山川勝千年爲故都高樓臨汜水楊柳蔭  
芙蓉唐室中多故將軍老鎮徐毬場朝戲馬玉  
帳夜投壺白雪徵清唱黃金得綠珠春風樓上  
醺三日極歡娛紅粉夢魂散白楊兵火餘已下  
雕夏燕空有穴墻狐曲徑擁黃葉西風時掃除  
來客晚登覽傍徨思壯圖荆榛閉銅雀麋鹿遊

歷代詩選 卷二十六  
姑蘇陳迹豈足道舊歡何日無朱欄開酒場寶  
勒迎官奴醉袖舞鵲鶴豔聲歌鷓鴣遲留故時  
月挂影來座隅

上巳後一日登快哉亭作

上巳信嘉辰流觴傳舊俗良遊悵不遂吏局方  
有屬東風吹曉雨萬竅嗥林麓疑有泊舟人狂  
歌河女曲逾朝始澄霽物色如新沐城角趨危  
亭登臨慰幽獨

三月二十日遊南臺感賦

晴春六十日不與酒杯親吏事豈無間風雨復  
兼旬始作南城遊時物固已陳掃迹桃與李濃  
綠迷荆榛登高暫逍遙引目清泗濱向丘有交  
逕俯城皆要津得意屬禽魚愛茲意共馴顧余  
千里客一官猶患貧履綦集座隅萊蕪滿甑塵  
山園有芳蘭幽珮手自紉長哦白雲謠遐想紫  
陽真去矣南昌尉庶幾乎若人

艤舟秦淮雪中訪侍其瑀

北風破雨初成雪齋舫蓬窓吹紙裂籃舁觸冷

歷代詩選 卷之九  
訪圓廬得把一盃聊耳熱人生自適待何時矧  
君與我皆衰遲會待晴天暖風日杖藜同赴北  
山期

留別僧訥

冗從西班誰比數牛僧馬醫猶爾汝詩解窮人  
未必工苦調酸聲効梁父滎陽道人方外交謂  
我有言追屈騷驪珠不惜彈黃雀狗尾何堪聯  
黑貂秦淮潮上扁舟發後日相思一書札千里  
同風了了然人間無處無明月

題漢陽招真亭 亭在大別峰頂

大別山巔清沔尾飛亭岩巖帶雲起清狂使君  
初燕喜拍手招呼黃鶴子玄津煉出太陽酥手  
葺胎髮蒙頭顱每誇久落北鄴籍豈意齋恨歸  
黃墟越客登臨興何有愁不能言病妨酒殘陽  
雲夢窅然深尚欲開襟吞八九羽駕飄飄安在  
哉使君餘跡已塵埃但見庾令樓橫煙樹杪角  
聲催月渡江來

送鄂州刑獄椽王懋元功罷官還海陵兼

簡金陵和上人

暖雲芳草橫塘路。送客何之官鄂渚。江臯暑淫  
氣如蒸。別來何事還海陵。海陵鄂渚非吾土。每  
後君來先我去。人無根蒂本悠悠。况指滄波是  
舟路。君方少健我衰遲。跼蹐感轅問不自持。因行  
寄聲雁門遠。歲暮敢忘林下期。

和張謀父遊石佛山觀魏太武書

按南北史彭城圖經魏太平真君十一  
年太武南侵至瓜步築宮駐蹕聲欲渡

江宋人患之遣使請婚饋百牢以犒師  
明年春旋師渡淮復留連徐方再旬始  
北去今彭城南五里因山鑿佛高十許  
丈東北百步有大磐石欹枕小溪劃然  
四字曰阿彌陀佛皆徑尺餘特陀佛兩  
字爲逸筆結之其長倍尋下落溪中蓋  
當時太武以鐵筆畫是字非刊刻也  
丑秋張謀父摹墨本見惠兼賦一詩要  
余屬和焉

中夏昔屯否代邦天所開鴻圖屬太武不世英  
雄才南洗洛陽血西盪長安灰璫車十萬乘略  
地驅風雷一葦濟長淮築宮瓜步隈東隣拜牢  
餽走使爲婚媒雲旗卽歸路覽勝此衰哀俯揮  
鐵馬鞭頑石同陶坏劃成四大字屹栗陰虹摧  
淪精入崖壑不羞蟠回茫茫六百年風雨生  
莓苔偉蹟寢銷泯威靈安在哉君爲訪古遊賦  
詩追七哀人生誰不爾零落全塵埃

感懷寄二三知舊

人生七十稀行年今已半事功貴及時遲暮復  
何算嗟吾夙夜疚失怙在童卯詩禮思有聞飄  
飄辭祖貫慈親念衰緒倅倅營婚宦名姓係西  
班星霜亟徂換未築黃金臺長歌白石爛豈無  
同心契相望眇雲漢

擬南梁慧偈法師獨杵禱衣

嶧陽桐杵鳴蓮岳石砧平待誰相應節要自不  
勝情吹衣風稍急弔影月微明會有不眠客聽  
此斷腸聲



擬阮步兵夜中不能寐

夜久不成夢張燈開故書清霜屏雲物片月來  
庭除良時悵難再不與佳人俱掩卷長太息望  
子城之隅

遊雍丘燕溪分韻作

捨轡步平綠解衿俯清池微風度脩竹瑟瑟生  
淪漪梨華照晴影暖雪正紛披把酒久沈想况  
與玉人期

留侯廟下作

念韓痛破產伺疆秦千金募健士椎斷屬  
車塵東去變名姓浮游淮泗濱恐耻奉遺履得  
書何老人十年風雲會赤帝資經綸鴻門禍端  
結一言卽解紛英彭既合縱楚項提孤軍偉哉  
借箸談豎儒無復陳分疆餌兩將來若從龍雲  
釋怨俾侯印謀銷蛇豕羣定都天府國推功歸  
奉春四老落吾術拂巾辭隱淪東朝羽翼就楚  
調徒悲辛出處能事畢致君終乞身豈眷萬戶  
封僅與蕭鄒均淮陰敗晚節顧亦非吾倫願訪

歷代詩選 卷之六  
赤松子逍遙雲漢津嚴祠鎮川滑餘澤及斯民  
祇應終萬古黃石共威神

遊金陵雨花臺 在城之西南蓋生公講

堂故址也南卽石子岡登覽盡江南之

勝

迢迢朱雀航飛蓋共凌越東風石子岡芳草微  
徑絕生公法堂在清夜貯明月回認城郭遊春  
華爛晴雪長煙動江隩微雲起山齋連檣去遲  
回白鳥屢明滅

題香社寺平疴湯泉

驪山御湯殿歲久玉蓮傾誰謂大江北有泉溫  
且清相傳白雲竇中闕丹砂英澡濯浹肌膚沈  
疴亟能平豈特滌吾足徑當潔吾纓築廬俯源  
上涵泳鳧鷗輕非復罽塵網御風朝玉京賦詩  
投楚澤用弔懷沙生

宿寶泉山慧日寺

日入思不遑驅車更之東回蹊出蒙密解袂迎  
長風風從何許來歷歷江南鐘頓響阿蘭若虛

庭月正中流螢逗深竹白鳥巢青松華燈耿翠  
箔瑤花擢春叢絕境美清夜悅非塵界逢惜無  
一樽酒幸與之子同明發卽南北浮生兩飛蓬

曉度黃葉嶺東谷懷寄金陵王居士閒叟

嶺在烏江北八十里戊辰七月十六日

自寶泉慧日寺之茅塘村路經此

陰谷不寓暑風松朝露零乳溪逗綠篠琴筑聲  
泠泠老石漬金碧窅然沈列星酌此石上泉餌  
彼松下苓倏歛振飛步豈徒制頽齡何須歷五

嶽卽路神人庭顧余方有役俗駕不敢停寄音  
采真子預卜白雲扁

過胡城 烏江縣譜昔石虎南侵晉相玉

導築此壘以遏之

狂胡昔憑凌濶步長淮外去此百雉城萬甲屯  
要害時平一登望江山互襟帶想像文獻公清  
風宛如在

采石磯 瀕江兩磯相對相傳李太白嘗

隱東磯上故址存焉

東西采石磯山水兩清絕漁舸與商舶今古幾  
沿越飄颻翰林主長笑弄明月難訪物外遊飛  
雲眇天末

百福寺

卽唐詩人張司業籍故居籍繪

像今存

文昌西郭居脩竹閉環堵琴樽不復存青蓮開  
梵宇塵紛晦遺像粉繪才可觀拜奠愧無言長  
哦古樂府

遊金山

輕舸放中流岸遠春風壯檝師俯仰呼天水爭  
簸蕩吾方扣其舷聊賡小海唱梢回卽東麓側  
磴聯屨杖危剝表層巔疲筋躡牽強斜廊繚複  
殿魚脊分背向放目四垠寬秋毫入吾望侵雲  
鐵甕壘岫起無緣傍映日海門山不帶滄波上  
吾雖百石吏平昔有微尚俄得金仙徒翦蘿開  
岫幌誓投桑榆年浮玉翁自况

感庭棗

昔來花纂纂遽許實離離西風會搖落行復見

空枝歲物感流駛事功傷暮遲咄彼身後名前人端自欺書殫南山竹奄奄定何知賢哉張生翰千載與心期

寄題栗亭

少陵昔避地幽棲鳳皇川始願獲其所賦詩此終焉睠彼美林麓蔭膏腴上田陽坡饒垂珠陰谷繁玉延長鑱勤采斲服食攀飛仙兵稜奪和氣力耕無善年林垌開冰雪旬浹斷庖煙嗚呼歌七章暮節西南遷環堵久蕪沒斯亭名尚傳

茂宰愴懷古增崇殊過前雕薨揭長簾下客十客筵嫩嵐隔春叢清竹鳴夏蟬風月有高興寫之武城絃狂客屬虺廢駑筋難強鞭何暇遠登覽但哦鯨海篇尚苦八口累依稀同曩賢餘齡寄幻境未斷東西緣江淮米價平一舸去悠然幸此歲豐樂浮游吾所便異時訪陳躡復使後人憐

寄題潯陽周氏濂溪草堂 周本江華人

名敦頤字茂叔仕至尚書郎累使嶺表

中年投節退居湓城之南溪上因名濂  
溪以自况二子壽字元翁燾字次元相  
踵第進士丙子五月余艤舟漢陽始與  
元翁相際求余賦此詩

濂溪之水清未足濯公纓平生抱苦節成就此  
溪名長歎置符傳孤雲歸思輕溪頭四壁居溪  
下百畝耕量汲奉晨盥課樵共夕烹希逢杖屨  
遊但聽絃歌聲爲客開三逕傳家惟一經雙珠  
光照乘合璧價連城褐被有餘樂問縑無隱情  
昔仰名父子今推難弟兄不應文範裒遽謂公  
慙卿勒詩高崖石敢告後代生

和潘幽老漢上屬目

白雲蒙山頭清川山下流芳洲采香女薄暮漾  
歸舟並蒂雙荷葉逢迎一障羞持情不得語大  
婦在高樓

雨餘晚望

相應乳鳩鳴桑間返照平明津小舫度高隴一  
牛耕林藪歸心健塵埃病骨輕屈騷魂爽在未

歷代詩選  
宋賀方回  
許獨君清

待曉朝謁天慶作

望曉謁琳宮。荒庭霧氣濃。曾陪羽林仗。如待景  
陽鐘。薄宦情無幾。勞生夢不容。樵朋與漁伴。他  
日會相從。

擬溫飛卿

露網朱甍上。風簾翠幙前。宿衾熏薜菌。朝鏡拂  
漪漣。津潤銷金筆。香依撲粉綿。度閒雙陸子。撥  
恨十三弦。鸚鵡殷勤語。旃檀委曲煙。鮫綃乾玉

筋。魚鑰限金蓮。團扇詞桃葉。烏絲代杏牋。朱門  
長窅窅。白馬自翩翩。難釣三珠樹。徒拋七寶鞭。  
酒闌應有待。夢破卽無緣。信鵲新秋去。孤蟾後  
夜圓。浪言牆外地。的是洞中仙。

題張氏白雲庄 彭城張謀父居泗洲之

東山耕田數百里。中擇爽塏列樹松竹。  
結茅其間。榜曰白雲庄。甲子九月置酒。  
招余與寇陳王李子。酒酣賦。余得雲字。

江左陶徵士高風。昔所聞。應慙五株柳。難比一

溪雲我有乘桴約君方植杖耘悠悠竟何得晚  
歲盍同羣

送陳傳道攝官雙溝

弭檝想登臨閒雲護日陰青蒲泗水濶古木漢  
祠深應醉盃中物誰聞澤畔吟禪坊養痾客輕  
別若爲心

遊滕縣時氏園池

珍重西園主開門待子猷城隅樹交蔭樓下水  
通流鶻鶻鳴深竹蜻蜓駐小舟可能忘夢想塵

土滿徐州

自鄆還徐道中

八月過新雨行雲弄晚涼山川乍明晦禾黍半  
青黃西去真何事東還非故鄉悠悠塵土裏無  
路不亡羊

丙寅舟次宋城作

水館雨邊村登臨奈斷魂黃花開小徑紅粉哭  
高原舟檝逢新火松楸老故園斜陽一千里依  
約是蘇門



苦竹村南馬上

楚澤薰風後林臯夕照間  
漁船沿綠岸鳥道轉荒山  
久負杯中樂長偷馬上閒  
悠悠白門路何日杖藜還

題諸葛猷田家壁 地在烏江北八十里

與江南石頭城相望

晚度孔明猷林間訪老農  
行衝落葉逕坐聽隔江鐘  
後舍燈猶織前溪水自春  
無多遊宦與卜隱幸相容

訓桂林從叔

江到三湘盡山圍八桂深  
龍蛇寒不蟄霧露晝多陰  
迢遞馳梅信殷勤訪竹林  
淮南風土美留滯亦何心

懷寄潘孝本兼簡其子言

春色先梅嶺秋聲後桂林  
溪通五羊險雲近九疑陰  
無雁難逢信有猿能伴吟  
燒春酒自美應對阿戎斟

宿黃葉嶺田家

歷代詩選 卷之六  
聚落荒山裏畚田歲不登牛衣障隙雪鼠穴見  
隣燈愁入魚難暝寒凝酒亦冰悵然歌白石推  
枕待晨興

遊六合定山真如寺 達摩初祖道場

隻履西歸遠何年此布金地寒蒼檜老歲晏白  
雲陰燒隔溪水斷樵穿徑雪深祖心無處問俗  
駕晚駸駸

湯泉道中

青石岡西下靈泉產藥苗山英如有待水落可  
相招蟬帶風移樹塵隨馬度橋颺鞭吟舊句歸  
路不知遙

艤舟當利口待風累日懷寄城中朋遊

一葉寄津口怒濤安可乘朝風占酒旆夜爨乞  
漁燈牛渚逢新月秦淮想結冰故人他日夢歌  
吹滿金陵

金陵懷寄歷陽王椽

征虜亭邊路望夫山下舟長江不隔夢明月祇  
供愁促席歌塵斷閒窗醉墨留惜芳橋畔柳誰

歷代詩選  
繫木蘭舟

秦淮夜泊

官柳動春條。秦淮生暮潮。樓臺見新月。燈火上雙橋。隔岸開朱箔。臨風弄紫簫。誰憐遠遊子。心旆正搖搖。

辛未興龍節日懷歷陽王掾元胥

昨歲東溪口。扁舟欲下江。伴愁燈映幔。欺睡月侵窓。漫寄書連紙。誰同酒一缸。何當見之子。聊使我心降。

秋夜聞雨晨興偶書

故國心馳北。扁舟計漫東。寒生一夜雨。病涉兩秋風。落泊籬根葉。幽憂屋角虫。何情悲節物。聊自况衰翁。

謝米雍丘元章見過

今古兩妙令。雍丘與太丘。當時稱道廣。後日想風流。吏廡庭陰午。農歌野色秋。吾非荀氏老。愧爾德星留。

龜山晚泊

歷代詩選

宋賢詩選 卷二十六

三

二

歷代詩選 卷二十六  
春候半寒溫。維舟淮上村。長林補山罅。青草際  
潮痕。久厭浮家役。重招去國魂。禪房欲舒寫。煙  
雨促黃昏。

舟發金陵望歷陽作

尚識歷陽道。依然西照間。風煙石磧戍。林麓楚  
王山。隔水一凝佇。當年數往還。誰知躍馬客。衰  
病再投閒。

郎官湖

按李白詩序云。乾元歲流夜郎。遇故人尚書郎張謂使夏口。沔州杜太

守漢陽王令觴于江城之南湖。張公四  
望超然。請白標之。嘉名白因號之郎官  
湖。席上文士輔翼岑靖以爲知言。今所  
謂郎官湖者。占郡城之北。束手于兩山  
間。縱廣百許步。固不足四望而超然也。  
已知其非是。且郡南瀕江之人。持南唐  
時地券。尚指郎官湖爲隣。蓋湖爲江水  
所彘而去。城里餘猶有洲渚。隱然未泯。  
乃湖之故防也。余丙子五月。舟次沔陽。

求訪遺老始得其詳因賦此詩志之

當年賢守令載酒河南遊涼月呈新霽明湖涵  
素秋郎官夏口使仙客夜郎囚促膝青螭舫連  
觴紫綺裘高驪隨雨散餘躅想風流芳草失青  
履滄波浮白鷗江吞百頃盡石刻一篇留宜有  
沈碑者前懷陵谷憂

題寶泉官舍壁 寶泉監在夏郡城東三

里黃鵠山之陰

偶著強名字非才但鑄金不妨稱外監况復在  
山陰勝日聊披卷清風故解衿餘生偷祿隱何  
者是升沈

江夏寓興

風與檣鳥便儂先塞雁來山經七澤斷潮自九  
江回漁父猶知隱騷人在衙才朋遊正相遠梅  
信爲誰開

雨晴西郊寓目

城中厭雨過清和偶出西郊野意多蠶簇趁晴  
初摘繭麥場經潤欲生蛾營巢黃鳥啼深樹引

犢青牛飲暮河老圃念人留佇久挽衣沽酒願  
相過

寄周文清 周時流寓海陵丁巳八月趙

郡賦

節物驚心不我留故人相望海邊州  
芰荷老盡池臺晚鴻雁來多雲漢秋  
誰共清樽尋樂事獨將長幅寫離憂  
明年芳草青門道好試青衫伴  
俠遊

冠氏寺居書懷

古剎荒涼晝掩門鳴雞吠犬接西村  
窗間自記曾歸夢樓外誰招欲斷魂  
漫賦新詩題琬琰少逢佳客佩蘭蓀  
更堪愁肺經春病負爾商歌酒  
一樽

題彭城張氏放鶴亭 亭有石刻蘇眉山

製文唐之陽春亭故址在徐城之東薛

能尚書有詩見集中壬戌九月賦

曾見君家亭上碑東望風月動閒思  
昔曾卜築如相待今遂登臨是不期  
萬頃白雲山缺處一

庭黃葉雨來時許昌應負重泉恨當日陽春枉賦詩

臨坂亭送客還馬上作

袞袞塵埃與願違。可堪持酒送將歸。壯心已服  
駑駘老。羈思常先朔雁飛。十口無厭太倉粟。四  
隣分采故山薇。何時偃卧柴桑里。自訟淵明昨  
日非。

病後登快哉亭

經雨清蟬得意鳴。征塵斷處見歸程。病來把酒  
不知厭。夢後倚樓無限情。鴉帶斜陽投古剎。草  
將野色入荒城。故園又負黃昏約。但覺秋風髮  
上生。

送李宗古錄事謝病南歸

十旬病免謝雞羣。收得閒身付白雲。南浦少留  
離別賦。北山相負勒移文。松舟桂楫曉將發。菰  
葉鱸魚秋未分。異日有懷長笑客。西飛燕子一  
相聞。

題永城縣園水亭

屈卍言選  
宋有方  
詰曲池塘碧玉流。禊亭孤占小汀洲。長紉座上  
芳蘭佩。不繫簷前畫鷁舟。好泛羽觴修舊事。爲  
書繭紙記清遊。季真待得東還日。初見紅葉十  
畝秋。

罷大匠屬爲淮南行

何處經行特惘然。津頭曾送木蘭船。桃花春水  
生前夜。楊柳秋風憶故年。驛路尺書疑斷絕。官  
倉斗米愧留連。飄飄復作江湖計。從此長安是  
日邊。

同王克慎宿清涼寺兼示和上人

六代風流不可尋。石頭勝槩古猶今。疎鐘答響  
江山迥。野鳥忘機松竹深。借問白雲誰卜築。擬  
要明月共登臨。終投逸少興公社。蔬粥麻衣事  
道林。

與張歷陽追懷從禽之樂因賦

宜秋門外養鷹坊。好草陂頭射雉場。油幕瓊廬  
張野飲。錦袍貂帽結戎裝。興闌落日黃塵斷。夢  
後西風白髮長。誰念江湖獨流寓。此情難話與



歷代詩選  
宋賀方回  
漁郎

歷陽姥磯下馬上有懷京都遊好

楚澤初冬正穫田孤鴻欲下却翻然人煙隱約  
青山郭雲物離披小雪天送別盃盤猶昨日勞  
生鞍馬遂窮年故人多在金閨籍誰念心如寸  
斷絃

烏江東鄉往還馬上作

黃塵隨馬染征衣十里江臯送客暉廢井草荒  
鼃黽怒下田沙漲芋魁肥解纓拂樹弄清淺橫  
木杵雲飛翠微人生事事不如意終日念歸何  
日歸

題定山寺法遠上人壁

支郎風味喜相親乘興來尋雪後春夾逕竹陰  
疑礙馬隔江山色似招人豈無暇日容高卧如  
有閒田願卜隣預約東城二三子歲時相過莫  
辭頻

宿芥塘佛祠 壁間得魏湘畢平仲張士

宗回所留字皆吾故人也庚午三月賦

青青麴夾欲抽芒。浩蕩東風晚更狂。微逕斷橋尋古寺。短籬高樹隔橫塘。開門未掃楊花雨。待曉先燒栢子香。底許慙忘行役倦。故人題字滿長廊。

上巳晚泊龜山作

薄暮東風不滿帆。遲遲未忍去淮南。故園猶在北山北。佳節可憐三月三。蘭葉自供遊女佩。芸編聊對故人談。洛橋車騎相望客。曾為吳兒幾許慙。

寄清涼和上人

南國風流百不存。石頭今是給孤園。山連雉堞斜侵路。潮送漁舟自到門。方丈定容居士病。貝多應待客兒翻。懸知後日逢迎際。桃李春風兩不言。

潘幽老出十數詩。皆有懷蘇儋州者。因賦人煙寂絕。鬼門關更指儋州。杳莽間三四月。交天漏雨東南地。盡水浮山依迷春草。鴿原失響。像秋風鶴馭還。河羨河陽賢父子。雪堂曾伴十

年間

答致仕吳朝請潛登黃鶴樓見招

城隅黃鶴莫登臨，端使悲翁動楚吟。  
日下長安人共遠，天圍夢澤歲方陰。  
北風欲雪雁飛急，南渚始冰魚伏深。  
誰似草堂安隱客，下帷隱几不求心。

二月二日席上賦

仲宣何遽向荊州，謝惠連須更少留。  
二日舊傳桃菜節，一杯聊解負薪憂。  
向人草樹有佳色，帶

郭江山皆勝遊，載酒賦詩從此始。  
他年耆老話風流。

高郵舟中對雪

天涯晚歲客無歡，擁鼻微吟行路難。  
三楚浮程波淼淼，五陵歸夢雪漫漫。  
兔園授簡心猶壯，剡曲拏舟興久闌。  
病骨支離仍禁酒，漁簑重緝待春寒。

廣陵茱萸灣晚泊

冷雲拋雪未成花，過埭東風凍著沙。  
荻浦漁歸

歷代詩選  
宋賀方回  
初下雁楓橋市散只啼鴉舊聞南國饒春事行  
見東風換物華老病心情亦何有藥囊詩卷是  
生涯

清燕堂

雀聲嘖嘖燕飛飛在得殘紅一兩枝  
睡思乍來還乍去日長披卷下簾時

初見白髮示內

安能屈指計封侯西日東風見白頭  
信是色身非我有若論身外更悠悠

西城馬上

燭冷塵清過上元晴明風日柳初繁  
偷閒偶出西城陌喜見青山似故園

再遊西城

柳條破眼已堪攀鷺下城隅水一灣  
後日重來寒食近杏花林外見青山

晚泊會亭

此日苻離復捨舟馬蹄塵土入徐州  
只應明月曾相識伴我時登燕子樓

楊柳枝詞

楊柳東風盡日吹，柔條應自不禁持。  
都門三月傷心地，強半青青贈別離。

汴下晚歸

隋渠經雪已流水，乘興東遊恐未能。  
試問何人知夜永，一樽相伴小窗燈。

過曹氏園馬上作

香風細細出重牆，不見繁枝已斷腸。  
知有何人卷簾箔，卧看零落滿斜陽。

重賦京居暮感興

怒風狂雨信悠悠，收拾春華不少留。  
祇有柳綿吹未盡，墻陰落泊伴人愁。

斗峴山馬上

西來投策倦躋攀，晚葉寒華一逕閒。  
盡日閒雲不留雨，斜陽還照隔江山。

渡冷水澗投宿萬歲嶺

蕭蕭黃葉下清溝，白鳥飛來故少留。  
今夜行人短亭宿，小窗風雨夢漁舟。

同張漢求宿升小院西寮

僧閣窗扉學畫船青熒燈火對床眠北風帶雪披簷竹渾似瀟湘夜泊天

宋詩卷二十六

石倉十二代詩選

宋詩卷二十七

東坡集

宋眉山蘇軾著

明後學曹學佺閱

別歲

故人適千里臨別尚遲遲人行猶可復歲行那可追問歲安所之遠在天一涯已逐東流水赴海歸無時東鄰酒初熟西舍蔬亦肥且爲一日歡慰此窮年悲

九月二十日微雪懷子由弟

歷代詩選 卷二十七 鮑參 岐陽九月天微雪已作蕭條歲暮心短日送寒  
砧杵急冷官無事屋廬深愁腸別後能消酒白  
髮秋來已上簪近買貂裘堪出塞忽思乘傳問  
西縣

和劉長安題薛周逸老亭周最善飲酒未

七十而致仕

近聞薛公子早退驚常流買園招野鶴鑿井動  
潛虬自言酒中趣一斗勝涼州翻然拂衣去親  
愛挽不留隱居亦何樂素志庶可求所亡嗟無  
用所得不啻酬青春爲君好白日爲君悠山鳥  
奏琴筑野花弄閒幽雖辭功與名其樂寔素侯  
至今清夜夢尚驚冠壓頭誰能載美酒往以大  
白浮之子雖不識因公可與遊

中隱堂

去蜀初逃難遊秦遂不歸園荒喬木老堂在昔  
人非鑿石清泉激開門野鶴飛退居吾久念長  
恐此心違

二月驚梅晚幽香此地無依依慰越客皎皎似

歷代詩選 朱蘇子賦 二  
吳妹不恨故園遠空嗟芳歲徂春深桃杏亂笑  
汝益羈孤

李氏園

朝遊北城東回首見脩竹下有朱門家破墻圍  
古屋舉鞭叩其戶幽響答空谷入門所見夥十  
步九移日異花兼四方野鳥喧百族其西引溪  
水活活轉墻曲東注入深林林深窓戶綠水光  
兼竹淨時有獨立鵠林中百尺才久蒼鱗感  
豈惟此地少意恐關中獨小橋過南浦夾道多

喬木隱如城百雉挺若舟千斛陰陰日光淡黯  
黯秋氣蓄盡東爲方池野鴈雜家鶩紅梨驚合  
抱映島孤雲馥春光水容漾雪陣風翻撲其北  
臨長溪波聲捲平陸北山卧可見蒼翠間磽秃  
我時來周覽問此誰所築云昔李將軍負嶮棄  
衰叔抽錢算間口但未權羹粥當時奪民田  
業安敢哭此亭破千家鬱鬱城之麓將軍竟何  
事蟻蝨生刀韜何嘗載美酒來此駐車轂空使  
後世人間名頸猶縮我今官正閒屢至因休沐



人生營居止竟爲何人卜何當辦一身永與清  
景逐

秦穆公墓

秦穆故在秦城東墓去城中無百步乃知昔未  
有此城秦人以泉識公墓昔公生不誅孟明豈  
有死日殄其良乃知三子殉公意亦如齊士從  
田橫古人感一飯尚能殺其身今人不復見此  
等乃以所見疑古人古人不可望今人益可傷  
七月廿四日以久不雨出禱磻溪是日宿

號縣廿五日晚自號縣渡渭宿于僧舍

曾閣閣故魯氏所建也夜久不寐見壁

有前縣令趙薦留名有懷其人

龕燈明滅欲三更欹枕無人夢自驚深谷留風  
終夜響亂山銜月半牀明故人漸遠無消息古  
寺空來有姓名欲向磻溪問姜叟僕夫慵語斗  
杓傾

是日自磻溪將往陽平憇于麻田青峯寺

之下院翠麓亭

歷代詩選 卷二十七  
不到峯前寺空來渭上村此亭聊可喜脩徑豈  
辭捫谷映朱欄秀山含古木尊路窮驚石斷林  
缺見河奔馬困嘶青草僧留薦晚飧我來秋日  
午旱久石牀温安得雲如蓋能令雨瀉盆共看  
山麓稻涼葉意翻翻

是日至下馬磧憇于北山僧舍有閣曰懷  
賢南直斜谷西臨五丈原諸葛孔明所  
從出師也

南望斜谷口三山如犬牙西觀五丈原鬱屈如  
長蛇有懷諸葛公萬騎出漢巴吏士寂如水蕭  
蕭聞馬櫓公才與曹丕豈止十倍加顧瞻三輔  
間勢若風捲沙一朝長星墜竟使蜀婦鬢山僧  
豈知此斗室老煙霞往事逐雲散故山依渭斜  
客來空弔古清淚落悲笳

和子由記園中草木

自我來關輔南山得再遊山中亦何有草木嬾  
深幽菖蒲人不識生此亂石溝山高霜雪苦苗  
葉不得抽下有千歲根感縮如蟠虬長爲鬼神

守德薄安敢偷

野菊生秋澗芳心空自知無人驚歲晚惟有暗  
蛩悲花開澗水上花落澗水滄菊衰蛩亦蟄與  
汝歲相期楚客方多感秋風詠江籬落英不滿  
掬何以慰朝飢

南溪之南竹林中新構一茅堂余以其所

處最爲深遠故名之避世堂

猶恨溪堂淺更穿脩竹林茅茨追上古冠蓋謝  
當今曉夢猿呼覺秋懷鳥伴吟暫來聊解帶屣  
去欲携衾湖上行人絕塔前暮雪深應逢綠毛  
叟叩戶夜抽簪

樓觀

鳥噪猿呼晝閉門寂寥誰識古皇尊青牛久已  
辭人世白鶴時來訪子孫山近切風吹積雪天  
寒落日淡孤村羽流應怪遊人衆汲盡塔前井  
水渾

仙遊潭

翠壁下無路何年雷雨穿光搖巖上寺深入影

唐初傳有此亂後不留碑畏虎關門蚤無材得  
坐試僧禪

米遲山泉自入甕野桂不勝炊信笑那能久應  
先學忍飢

司竹監燒葦園因召都巡簡柴貽勗左藏  
以其徒會獵園下

官園刈葦歲留槎深冬放火如紅霞枯槎燒盡  
餘根在春雨一洗皆萌芽黃狐老兔最狡捷賣

德百獸常矜誇年年此厄竟不悟但愛蒙密爭  
來家風迴焰卷毛尾熱欲出已被蒼鷹遮野人  
來言此最樂徒手曉出歸滿車巡邊將軍在近  
邑呼來颯颯從戈义戍兵久閒可小試戰鼓雖  
凍猶堪櫓雄心欲搏南澗虎陣勢頗學常山蛇  
霜乾火烈聲爆野飛走無路號且呀迎人截來  
春逢箭避犬逸去窮投且擊鮮走馬殊未厭但  
恐落日催棲鴉蔽旗仆鼓坐數獲鞍挂雉兔肩  
分慶主人置酒聚狂客紛紛醉語晚更譁燎毛

歷代詩選 卷之二十七  
燔肉不暇割飲啗直欲追羲媧青丘雲夢古所  
吒與此何啻百倍加苦遭諫疏說夷羿又被賦  
客嘲滌奢豈如閒官走山邑放曠不與趨朝衙  
農工已畢歲云暮車騎雖少賓殊佳酒酣上馬  
去不告獵獵霜風吹帽斜

華陰寄子由

三年無日不思歸夢裏還家旋覺非臘酒送寒  
催去國東風吹雪滿征衣三峯已過天浮翠四  
扇行看日照屏里埃消磨不禁盡速携家餉勞

馬

陪歐陽公燕西湖

謂公方壯鬚似雪謂公已老浮光頰搗來湖上  
飲美酒醉後劇談猶激烈湖邊草本新著霜芙  
蓉晚菊爭煌煌插花起舞爲公壽公言百歲如  
風狂赤松共遊也不惡誰能忍飢啖仙藥已將  
天壽付天公彼徒辛苦吾差樂城上烏棲暮靄  
生銀缸畫燭照湖明不辭歌詩勸公飲坐無桓  
伊能撫箏

望海樓晚景

青山斷處塔層層  
隔岸人家喚欲應  
江上秋風晚來急  
爲傳鐘鼓到西興

秋懷

苦熱念西風常恐來無時  
及茲遂淒凜又作徂  
年悲蟋蟀鳴我牀黃葉投我幃  
窓前有棲鵬夜  
嘯如狐狸露冷梧葉脫孤眠無安枝  
熠燿亦求  
偶高屋飛相追定知無幾見  
迫此清霜期物化  
逝不留我興爲嗟咨便當勤秉燭  
行樂戒暮遲

其二

海風東南來吹盡三日雨  
空塔有餘滴似與幽  
人語念我平生歡寂莫守環堵  
壺漿慰作勞褁  
飯救寒苦今年秋應熟過從飽  
鷄黍嗟我獨何  
求萬里涉江浦居貧豈無日  
自不安猷畝念此  
坐達晨殘燈翳復吐

梵天寺見僧守詮小詩清婉可愛次韻

但聞煙外鐘不見煙中寺  
幽人行未已草露濕  
芒屨惟應山頭月  
夜夜照來去

宿水陸寺寄北山清順僧

草沒河堤雨暗村寺藏  
脩竹不知門拾薪煮藥  
憐僧病掃地燒香淨  
客魂農事未休侵小雪  
佛燈初上報黃昏  
年來漸識幽居味  
思與高人對榻論

將之湖州戲贈莘老

餘杭原是水中窟  
仄聞吳興更清絕  
湖中橘林新着霜  
溪上荇花正浮雪  
顧渚茶芽白于齒  
梅溪木瓜紅勝頰  
吳兒繪縷薄欲飛  
未去先說饑

垂垂亦知謝公到  
郡久應怪杜牧  
尋春遲髮絲

只好對禪榻  
湖亭不用張水嬉

南寺千佛閣

古邑居民半海濤  
師來興築便能高  
千金用盡身無事  
坐看香煙遶白毫

莘老天慶觀小園有亭北向道士山

春風欲動北風微  
歸鴈亭邊送鴈歸  
蜀客南遊家最遠  
吳山寒盡雪先晞  
扁舟去後花絮亂  
五馬來時賓從非  
惟有道人應不忘  
抱琴無語立

斜暉

秀州報本禪院鄉僧文長老方丈

萬里家山一夢中  
吳音漸已變兒童  
每逢蜀叟談終日  
便覺峩眉翠掃空  
師已忘言真有道  
我除搜句百無功  
明年採藥天台去  
更欲題詩滿浙東

法惠寺橫翠閣

朝見吳山橫  
暮見吳山從  
吳山故多態  
轉側爲君容  
幽人起朱閣  
空洞更無物  
惟有千步岡  
東

西簾作額春來故  
國歸無期  
人言悲秋春更悲  
已泛平湖思濯錦  
更看橫翠憶峩眉  
瑯欄能得幾時好  
不獨憑欄人易老  
百年興廢更堪哀  
懸知草莽化池臺  
遊人尋我舊遊處  
但覓吳山橫處來

往富陽新城李節推先行三日留風水洞

見待

春山磔磔鳴春禽  
此間不可無我吟  
路長漫漫傍江浦  
此間不可無君語  
金鯽池邊不見君  
追



歷代詩選 宋蘇子瞻  
君直過定山村路人皆言君未遠騎馬少年清  
且婉風巖水穴舊聞名只隔山溪夜不行溪橋  
曉溜浮梅萼知君繫馬巖花落出城三日尚透  
遲妻孥怪鷲歸何時世上小兒誇疾走如君相  
爲今安有

自普照遊二庵

長松吟風晚雨細東庵半掩西庵閉山行盡日  
不逢人浥浥野梅香入袂居僧笑我戀清景自  
厭山深出無計我雖愛山亦自笑獨往神傷後  
不如西湖飲美酒紅杏碧桃香覆髻作詩  
謝採薇翁本不避人那避世

湖上夜歸

我飲不盡器半酣尤味長籃輿湖上歸春風吹  
面涼行到孤山西夜色已蒼蒼清吟雜夢寐得  
句旋已忘尚記梨花村依依聞暗香

自昌化雙溪館下步尋溪源至治平寺

亂山滴翠衣裘重雙澗響空窓戶搖飽食不嫌  
溪笋瘦穿林間覓野芎苗却愁縣令知遊寺尚

喜漁人爭渡橋正似醴泉山下路桑枝刺眼麥  
齊腰

病中遊祖塔院

紫李黃瓜村路香烏紗白葛道衣涼閉門野寺  
松陰轉欹枕風軒客夢長因病得閒殊不惡安  
心是藥更無方道人不惜堦前水借與匏尊自  
在嘗

栢堂

道人手種幾生前鶴骨龍姿尚宛然雙幹一先  
神物化九朝三見太平年忽驚華構依巖出乞  
與佳名到處傳此栢未枯君記取灰心聊伴小  
乘禪

竹閣

海山兜率兩茫然古寺無人竹滿軒白鶴不留  
歸後語蒼龍猶是種時孫兩叢却似蕭郎筆千  
畝空懷渭上村欲把新詩問遺像病維摩詰更  
無言

與述古自有美堂乘月夜歸

娟娟雲月稍侵軒  
瀲瀲星河半隱山  
魚鑰未收清夜永  
鳳簫猶在翠微間  
淒風瑟縮經絃柱  
香霧淒迷着髻鬟  
共喜使君能鼓樂  
萬人爭看火城還

八月十五日看潮

定知玉兔十分圓  
已作霜風九月寒  
寄語重門休上鑰  
夜潮留向月中看

萬人鼓噪懾吳儂  
猶似浮江老阿童  
欲識潮頭高幾許  
越山渾在浪花中

江神河伯兩醜鷄  
海若東來氣吐霓  
安得夫差水犀手  
三千強弩射潮低

東陽水樂亭

君不學白公引涇東  
注澗五斗黃泥一鐘水  
又不學哥舒橫行西海頭  
歸來羯鼓打涼州  
但向空山石壁下  
愛此有聲之清流  
流泉無絃石無竅  
強名水樂人人笑  
慣見山僧已厭聽  
多情海月空留照  
洞庭不復來軒轅  
至今魚龍舞鈞天  
聞道磬囊東入海  
何事伯牙仍輟絃  
鏘然澗谷

含宮徵節奏未成君獨吉言不須寫入薰風曲縱  
有此聲無此耳

初自徑山歸述古召飲介亭以病先起  
西風初作十分涼喜見新橙透甲香遲暮賞心  
驚節物登臨病眼怯秋光慣眠處士雲庵裏倦  
醉佳人錦瑟傍猶有夢迴清興在卧聞歸路樂  
聲長

次韻周長官壽星院同餞魯少卿

瑤璃百頃水仙家風靜  
路相將踏桂華更著綸巾披鶴氅他年應作畫  
圖誇

次韻述古過周長官夜飲

起更鏡鼓動諸鄰百首新詩間八珍已遣亂蛙  
成兩部更邀明月作三人雲煙湖寺家家境燈  
火沙河夜夜春曷不勸公勤秉燭老來光景似  
奔輪

吊天竺海月辯師

欲尋遺跡強沾裳本自無生可得亡  
今夜生公講堂月滿庭依舊冷如霜

虎丘寺

入門無平田石路穿細嶺陰風生澗壑古木  
鬱潭井湛盧誰復見秋水光耿耿鏡花秀巖壁殺  
氣噤蛙黾幽幽生公堂左右立頑礪當年或未  
信異類服精猛胡爲百歲後仙鬼互馳騁東軒  
有佳致雲光麗千頃熙熙覽生物春意破凄冷  
我來屬無事霽日相與永喜鵲翻初旦愁鳥噤

落景坐見漁樵還新月溪橋  
悟彼良自怡歸田行可請

刁景純賞瑞香花憶先朝侍宴次韻

上苑天桃自作行劉郎去後幾回芳  
厭從年少追新賞閒對宮花識舊香  
欲贈佳人非泛洧好紉幽佩弔沈湘  
鶴林神女無消息爲問何年返帝鄉

遊鶴林招隱

郊原雨初霽春物有餘妍古寺滿脩竹  
深林聞

杜鵑睡餘柳花情目眩山櫻然西窓有病客危  
坐看香煙

行歌白雲嶺坐詠脩竹林風輕花自落日薄山  
半陰澗草誰復識聞香杳難尋時見城市人幽  
居惜未深

過永樂文長老已卒

初驚鶴瘦不可識旋覺雲歸無處尋三過門間  
老病死一彈指頃去來今存亡慣見渾無淚鄉  
井難忘尚有心欲向錢塘訪圓澤葛洪川畔待

秋深

新城陳氏園次晁補之韻

荒涼廢圃秋寂歷幽花晚山城已窮僻况與城  
相遠我來亦何事徙倚望雲巘不見苦吟人清  
樽爲誰滿

甘露寺彈箏

多景樓上彈新曲欲斷哀絃再三促江姬出聽  
霧雨愁白浪翻空動浮玉喚取吾家雙鳳槽遣  
作三峽孤猿號與君合奏芳春調啄木飛來霜

樹杪

次韻陳海洲書懷

鬱鬱蒼梧海上山蓬萊方丈有無間  
舊聞草木皆仙藥欲棄妻孥守市寰  
雅志未成空自歎故人相對若爲顏  
酒醒却憶兒童事長恨雙鳧去莫攀

雪夜書北臺壁

黃昏猶作雨纖纖夜靜無風勢轉嚴  
但覺衾裯如潑水不知庭院已堆鹽  
五更曉色來書幌半  
月寒聲落畫簷試拂北臺看馬耳未隨埋沒有  
雙尖

城頭初日始翻鴉陌上晴泥已沒車  
凍合玉樓寒起粟光搖銀海眩生花  
遺蝗入地應千尺宿陶連雲有幾家  
老病自嗟詩力退空吟冰柱憶劉叉

莫笑銀杯小

烏潛一縣令獨飲仍獨醒公田二頃五十畝  
種秫作酒不種秔我今號爲二千石歲釀何能醉

歷代詩選 宋蘇子明  
賓客請君莫笑銀杯小爾來歲旱東海窄會當  
拂衣歸故丘作書貸粟監河侯萬斛船中着美  
酒與君一生長拍浮

寄呂穆仲寺丞

孤山寺下水侵門每到先看醉墨痕楚相未亡  
談笑是中郎不見典刑存君先去踏塵埃陌我  
亦來尋桑棗村回首西湖真一夢灰心霜鬢更  
休論

橫湖

貪看翠蓋擁紅粧不覺湖邊一夜霜卷却天機  
雲錦段從教匹練寫秋光

寒蘆港

溶溶晴港漾春暉蘆筍生時柳絮飛還有江南  
風物否桃花流水鱖魚肥

寄黎眉州

膠西高處望西川應在孤雲落照邊瓦屋寒堆  
春後雪峩眉翠掃雨餘天治經方笑春秋學好  
士今無六一賢且待淵明賦歸去共將詩酒趁



歷代詩選  
宋蘇子瞻  
九年  
流年

和晁同年九月見寄

仰看鸞鵠刺天飛，浮世功名老不思。  
病馬已無千里志，騷人長負一秋悲。  
古來重九皆如此，別後西湖更屬誰。  
遣子窮愁天有意，吳中山水付清詩。

夜雪獨宿柏山庵

晚雨纖纖變玉霰，小庵高卧有餘清。  
夢驚忽覩穿窓片，夜靜惟聞瀉竹聲。  
稍壓冬溫聊得健，未

濡秋旱若爲耕。天公用意真難會，又作春風爛漫晴。

送范景仁遊洛中

投老身彌健，登山意未闌。  
西遊爲櫻笋，東道盡鷓鴣。  
杖屨携兒去，園亭借客看。  
折花斑竹寺，弄水石樓灘。  
鬻馬哀憐白，驚雷怯笑韓。  
薛書標洞府，松蓋偃天壇。  
試與劉夫子，重尋靖長官。

次韻景仁留別

公老我亦衰，相見恨不數。  
臨行一杯酒，此意重

山岳詩新眇難和飲少僅可學欲參兵部選有力誰如羊且作東諸侯山城雄鼓角

書韓幹牧馬圖

南山下汧渭間想見開元天寶年八坊分屯隘秦川四十萬正如雲煙騅駟駱驪駟駟白魚赤兔騂皇驕龍顛鳳頸寧且妍竒姿逸德隱駑頑碧眼胡兒手足鮮歲時剪刷供帝閑柘袍臨池侍三千紅粧照日光流淵樓下玉螭吐清寒往來感踏生飛湍衆工舐筆和朱鈇先生曹霸

弟子韓廐馬多肉尻雕圓肉中畫骨誇猶難金羈玉勒繡羅鞍鞭箠刻烙傷天全不如此圖近自然平沙細草荒芊綿驚鴻脫兔爭後先王良挾策飛上天何必俯首服短轅

次韻子由送蔣夔赴代州學官

功利爭先變法初典刑獨守老成餘窮人未信詩能爾倚市懸知繡不如代北諸生漸狂簡床頭雜說爲爬梳歸來問鴈吾何敢疾世王符解著書

東欄梨花

梨花淡白柳深青  
柳絮飛時花滿城  
惆悵東欄一株雪  
人生看得幾清明

次韻答邦直子由

君難爲我此遲留  
別後淒涼我已憂  
不見便同千里遠  
退歸終作十年遊  
恨無揚子一區宅  
懶卧元龍百尺樓  
聞道鷓鴣滿臺閣  
網羅應不到沙鷗

司馬君實獨樂園

青山在屋上  
流水在屋下  
中有五畝園  
花竹秀而野  
花香襲杖屨  
竹色侵盞斝  
樽酒樂餘春  
其局消長夏  
洛陽古多士  
風俗猶爾雅  
先生卧不出  
冠蓋傾洛社  
雖云衆與樂  
中有獨樂者  
才全德不形  
所貴知我寡

過雲龍山人張天驥

郊原雨初足  
風日清且好  
病守亦欣然  
肩輿白門道  
荒田咽蛩蚓  
村巷懸梨棗  
下有幽人居  
閉門空雀噪  
西風高正厲  
落葉紛可掃  
孤僮卧斜

歷代詩選 卷之二  
日病馬放秋草脫身聲利中道德自濯澡躬耕  
抱羸疾奉養百歲老吾生如寄耳歸計失不早  
故山豈敢忘但恐迫華皓從君學種秫斗酒時  
相勞

臺頭寺雨中送李邦直赴史館兼寄孫巨

源

霜林日夜西風急老送君歸百憂集清歌窈眇  
入行雲雲爲不行天爲泣紅葉黃花秋正亂白  
魚紫蟹君須憶憑君說向髯將軍衰髮相逢應

不識

河復

并敘

熙寧十年秋河決澶淵注鉅野入淮泗自澶  
魏以北皆絕流而濟楚大被其害彭門城下  
水二丈八尺七十餘日不退吏民疲于守禦  
十月十三日澶州大風終日既止而河流一  
枝已復故道聞之喜甚庶幾可塞乎乃作河  
復詩歌之道路以致民願而迎神休蓋守土  
者之志也

歷代詩選 卷之三 賦  
君不見西漢元光元封間河決瓠子二十年鉅  
野東傾淮泗滿楚人恣食黃河鱸萬里沙回封  
禪罷初遣越巫沈白馬河公未許人力窮薪芻  
萬計隨流下吾君仁聖如帝堯百神受職河神  
驕帝遣風師下約束北流夜起澶州橋東風吹  
凍收微綠神功不用淇園竹居民種滿河流淤  
仰看浮槎棲古木

答呂梁仲屯田

亂山合沓圍彭門官居獨在懸水村居民蕭條  
雜麋鹿小市冷落無雞豚黃河西來初不覺但  
訝清泗流奔渾夜聞沙岸鳴響益曉看雪浪浮  
鵬鯤呂梁自古喉吻地萬頃一抔何由吞坐觀  
入市卷閭井吏民走盡餘王尊計窮路斷欲安  
適吟詩破屋愁鸞蹲歲寒霜重水歸壑但見屋  
瓦留沙痕入城相對如夢寐我亦僅免爲魚鼈  
旋呼歌舞雜詼笑不惜飲醕空餅盆念君官舍  
冰雪冷新詩美酒聊相溫人生如寄何不樂爲  
君擊鼓行金樽

虔州絕句

白鵲樓前翠作堆  
縈雲嶺路若爲開  
故人應在千山外  
不見梅花遠信來  
朱樓深處日微明  
皂蓋歸時酒半醒  
薄暮漁樵人去盡  
碧溪青嶂遶螺亭  
却從塵外望塵中  
無限樓臺燁雨濛  
山水照人迷向背  
只尋孤塔認西東  
煙雲縹渺鬱孤臺  
積翠浮空雨半開  
想見之罍觀海市  
絳宮明滅是蓬萊

回峯亂嶂鬱參差  
雲外高人豈得知  
誰向空山弄明月  
山中木客解吟詩

訪張山人

魚龍隨水落猿鶴喜君還  
舊隱丘墟外新堂紫翠間  
野麋馴杖屨幽桂出榛菅  
灑掃門前路山公亦愛山  
萬木鎖雲龍天留與戴公路  
迷山向背人在灤西東  
薺麥餘春雪櫻桃落晚風  
入城都不記歸路醉眠中

續麗人行

李仲謀家有周昉畫背面欠伸內人極精戲作此詩

深宮無人春日長沈香亭北百花香美人睡起薄梳洗燕舞鶯啼空斷腸畫工欲畫無窮意背立東風初破睡若教回首却嫣然陽城下蔡俱風靡杜陵飢客眼長寒寒驢破帽隨金鞍隔花臨水時一見只許腰肢背後看心醉歸來茅屋底方信人間有西子君不見孟光舉案與眉齊

何曾背面傷春啼

起伏龍行

徐州城東二十里有石潭父老云與泗水通增損清濁相應不差時有河魚出焉元豐元年春旱或云置虎頭潭中可致雷雨用其說作起伏龍行一首

何年白竹千鈞弩射殺南山雪毛虎至今顛骨帶霜牙尚作四海毛蟲祖東方久旱千里赤三月行人口生土碧潭近在古城東神物所蟠誰

歷代詩選 卷之三 三六  
敢侮上欹蒼石擁巖竇下應清河通水府眼光  
作電走金蟒鼻息爲雲擢煙縷當年負圖傳帝  
命左右羲軒詔神禹爾來懷寶祇貪眠滿腹雷  
霆瘖不吐赤龍白虎戰明日倒卷黃河作飛雨  
嗟吾豈樂鬪兩雄有事經須煩一怒

携妓樂遊張山人園

大杏金黃小麥熟墜巢乳鵲拳新竹故將俗物  
惱幽人細馬紅粧滿山谷提壺勸酒意雖重杜  
鵑催歸聲更速酒闌人散却關門寂歷斜陽掛

疎木

送胡掾

亂葉和淒雨投空如散絲流年一以駛遊子去  
何之節義古所重艱危方自茲他時著清德仍  
復畏人知

答范祖禹

吾州下邑生劉季誰數區區張與李重瞳遺跡  
已塵埃惟有黃樓臨泗水而今太守老且寒俠  
氣不洗儒生酸猶勝白門窮呂布欲將鞍馬事



曹瞞

送將官梁左藏赴莫州

燕南垂趙北際其間不合大如礪至今父老哀  
公孫蒸土爲城鐵作門城中積穀三百萬猛士  
如雲驕不戰一朝鼓角鳴地中帳下美人空掩  
面豈如千騎平時來笑談謦欬生風雷葛巾羽  
扇紅塵靜投壺雅歌清燕開東方健兒虓虎樣  
泣涕懷思廉耻將彭城老守亦凄然不見君家  
雪兒唱

中秋見月寄子由

西風吹暑天益高明月耿耿分秋毫彭城閉門  
青嶂合坐聽百步飛鳴濤史君携客登燕子月  
色著人如著水筵前不設鼓與鐘處處笛聲相  
應起浮雲卷盡流金丸戲馬臺西山鬱蟠杯中  
淥酒一時盡衣上白露三更寒

與頰起孫勉泛舟

窓前堆梧桐牀下鳴絡緯佳人尺書到客子中  
夜喟朝來一樽酒晤語聊自慰秋蠅已無聲霜

蟹初有味當爲壯士飲一笑瀉肝胃勿作兒女  
懷坐念蠨蛸畏吾儕俱老矣耿耿知我貴寧能  
傍門戶短此千丈氣蕭條歲行暮迨集維霰未  
明朝出城南遺跡觀楚魏

遊戲馬臺書西軒壁兼簡顏長道

古寺長廊院院行此軒偏慰旅人情楚山西斷  
如迎客汴水南來故遶城路失玉鉤芳草合林  
下白鶴古泉清淡遊何以娛庠老坐聽郊原琢  
磬聲

十月十五日觀月黃樓席上次韻

中秋天氣未應殊不用紅紗照坐隅山下白雲  
橫匹素水中明月卧浮圖未成短棹還三峽已  
約輕舟泛五湖爲問登臨好風景明年相憶使  
君無

月下與客飲酒杏花下

杏花飛簾散餘春明月入戶尋幽人舉衣步月  
踏花影爛如流水涵青蘋花間置酒清香發爭  
挽長條落香雪山城薄酒不堪飲勸君且吸杯

中月洞簫聲斷月明中惟憂月落酒杯空明朝  
卷地春風惡但見綠葉棲殘紅

送蜀人張師厚赴殿試

忘歸不覺髮毛斑好事鄉人尚在還斷嶺不渡  
西望眼思君直過楚王山

次韻答田國博部夫還

西郊黃土沒車輪滿面風埃笑路人已放役夫  
三萬指從教積雨洗殘春

過淮贈景山兼寄子由

過淮山漸好松檜亦蒼然藹藹藏孤寺泠泠出  
細泉故人真吏隱小檻倚巖偏却望臨江市東  
風語笑傳

端午徧遊諸寺得禪字

肩輿任所適遇勝亦留連焚香引幽步酌茗開  
淨筵微雨止還作小窓幽更妍盆山不見日草  
木自蒼然忽登最高塔眼界窮大千十峯照城  
郭震澤浮雲天深沈既可喜曠蕩亦所便幽尋  
未云畢墟落生晚煙歸來記所歷耿耿清不眠

道人亦未寢孤燈同夜禪

送劉寺丞赴餘姚

中和堂後石楠樹與君對牀聽夜雨玉笙哀怨  
不逢人但見香煙橫碧縷謳吟思歸出無計坐  
想蟋蟀空房語明朝開鑠放觀潮豪氣正與潮  
爭怒銀山動地君不看獨愛清幽生雪霧別來  
聚散如宿昔城郭空存鶴飛去

和孫同年卞山龍洞禱晴

吳興連月雨釜甑生魚蛙在問卞山龍曷不安

厥家梯空上巉絕俯視驚谿衍神井湧雲蓋陰  
崖垂蘚花交流百道泉赴谷走羣蛇不知落何  
處隱隱如縲車我來叩石戶飛鼠翻白鴉寄語  
洞中龍睡味豈不嘉雨師少弭節雷鼓亦停槌  
積水得反壑稻苗出泥沙看君擁黃綬高卧放  
晚衙

與客遊道塢河山

清溪到山盡飛路盤空小紅亭與白塔隱見喬  
木杪中休得小庵孤絕寄雲表洞庭在北戶雲

水天渺渺高堂儼像設禪室各深窈奔泉何處  
來華屋過溪沼何山隔幽谷去路清且悄長松  
度翠蔓絕壁掛啼鳥我友自杭來尚歎所歷少  
明朝已陳迹清景墮空杳

與王郎昆仲及兒子邁遶城觀荷花登峴

山亭晚入飛英寺

昨夜雨鳴渠曉來風襲月蕭然欲秋意溪水清  
可潏環城三十里處處皆佳絕蒲蓮浩如海時  
見舟一葉此間真避世青莠低白髮相逢欲相

已逐鷺鷥沒

清風定何物可愛不可名所至如君子草木有  
嘉聲我行本無事孤舟任斜橫中流自偃仰適  
與風相迎舉杯屬浩渺樂此兩無情歸來苕雪  
間雲水夜自明

吏民憐我懶鬪訟日已稀能爲無事飲可作不  
夜歸復尋飛英遊盡此一寸暉撞鐘履聲集顛  
倒雲山衣我來無時節杖屨自推扉莫作使君  
看外似中已非

遊淨居寺

寺在光山縣南四十里大蘇之南小蘇  
之北寺僧居仁爲余言齊天保中僧思  
惠過此見父老問其姓曰蘇氏又得二  
山名乃歎曰吾師告我遇三蘇則住遂  
留結庵而父老竟無有蓋山神也其後  
僧智覬見思于此山而得法焉則世所  
謂惠大和尚智者大師是也唐神龍中  
道岸禪師始建寺于其地廣明庾子之

亂寺廢于兵火至乾興中乃復而賜名

曰梵天云

十載遊名山自製山中衣願言畢婚嫁携手老  
翠微不悟俗緣在失身蹈危機刑名非夙學陷  
穽損積威遂恐死生隔永與雲山違今日復何  
日芒鞋自輕飛稽首兩足尊舉頭雙淚揮靈山  
會未散八部猶光輝願從二聖往一洗千劫非  
裴回竹溪月空翠搖煙霏鐘聲自送客出谷猶  
依依

定惠院寓居月夜偶出

幽人無事不出門  
偶逐東風轉良夜  
參差玉宇飛木末  
繚繞香煙來月下  
江雲有態清自媚  
竹露無聲浩如瀉  
已驚弱柳萬絲垂  
尚有殘梅一枝亞  
清詩獨吟還自和  
白酒已盡誰能借  
自知醉耳愛松風  
會揀霜林結茅舍

春日詞

春雲陰陰雪欲落  
東風和冷驚羅幕  
漸看遠水綠生漪  
未放小桃紅入萼  
佳人瘦盡雪膚肌  
眉黛春愁知爲誰  
深院無人剪刀響  
應將白紵作春衣

寒食雨

自我來黃州已過三  
寒食年年欲惜春  
春去不  
容惜今年又苦雨  
兩月秋蕭瑟卧聞  
海棠花泥汗臙脂  
雪春江欲入戶雨  
勢來不已小屋如  
漁舟濛濛水雲裏  
空庖煮寒菜破竈  
燒濕葦那知是寒  
食死灰吹不起

别子由

先君昔愛洛城居我今亦過嵩山麓水南卜宅  
吾豈敢試向伊川買脩竹又聞緱山好泉眼傍  
市穿林瀉冰玉遙想茅軒照水開兩翁相對清  
如鵠

過建昌李野夫公擇故居

彭蠡東北源廬阜西南麓何人脩水上種此一  
雙玉思之不可見破宅餘脩竹四隣戒莫犯十  
畝森似束我來仲夏初解籜呈新綠幽鳥向我  
鳴野人留我宿裴回不忍去微月掛喬木遙想

他年歸解組巾一幅對牀老兄弟夜雨鳴竹屋  
卧聽隣寺鐘書窓耿殘燭

次韻杭人裴維甫

餘杭門外葉飛秋尚記居人挽去舟一別臨平  
山下路五年雲夢澤南州淒涼楚髮綠吾發避  
近秦淮爲子留寄謝西湖舊風月故應時許夢  
中遊

同王勝之遊蔣山

到郡席不煖居民空惘然好山無十里遺恨恐



歷代詩選 宋蘇子瞻  
他年欲款南朝寺同登北郭船朱門收畫戟紺  
宇出青蓮火路蒼髯古迎人翠麓偏龍腰蟠故  
國鳥爪寄層巔竹杪飛華屋松根泣細泉峯多  
巧障日江遠欲浮天略約橫秋水浮屠插暮煙  
歸來踏人影雲細月娟娟

贈王寂

與君薏別不須嗟俯仰歸來鬢未華記取江南  
煙雨裏青山斷處是君家

次韻王定國得穎倅

滔滔四海我知津每愧先生植杖芸自少多言  
晚聞道從今閉口不論文漚翻白獸樽中酒歸  
煮青泥坊底芹要識老僧無盡處牀前蟻鬪不  
曾聞

次韻王震

携文過我治平間霧豹當時始一斑聞道吹噓  
借餘論故教流落得生還清篇帶月來霜夜妙  
語先春發病顏詩酒暮年猶足用竹林高會許  
時攀

送戴蒙赴成都玉局觀將老焉

拾遺被酒行歌處野梅官柳西郊路聞道華陽  
版籍中至今尚有城南杜我欲歸尋萬里橋水  
花風葉暮蕭蕭芋魁徑尺誰能盡楹木三年已  
足燒百歲風狂定何有羨君今作峩眉叟從未  
家生執戟郎也應世出埋輪守莫欺老病未歸  
身玉局他年第幾人會待子猷清興發還須雪  
夜去尋君

郭熙畫秋山平遠

玉堂畫掩春日閒中有郭熙畫春山鳴鳩乳燕  
初睡起白波青嶂非人間離離短幅開平遠漠  
漠疎林寄秋晚恰似江南送客時中流回頭望  
雲巘伊川佚老髯如霜卧看秋山思洛陽爲君  
紙尾作行草爛如嵩洛浮秋光我從公遊如一  
日不覺青山映黃髮爲畫龍門八節灘待向伊  
川買泉石

次韻黃魯直畫馬

少年鞍馬勤遠行卧聞齧草風雨聲見此忽思

歷代詩選 宋蘇子瞻  
短策橫十年髀肉磨欲透那更陪君作詩瘦不  
如芋魁歸飯豆門前欲嘶御史驄詔恩三日休  
老翁羨君懷中雙橘紅

上元侍飲樓上呈同列

淡月疎星遶建章仙風吹下御爐香侍臣鵠立  
通明觀一朵紅雲捧玉皇  
薄雪初消野未耕賣薪買酒看升平吾君勤儉  
倡優拙自是豐年有笑聲

老病行追萬馬羣九衢人散月紛紛歸來一點  
殘星在猶有傳棋遺細君

次韻穎叔觀燈

安西老守是禪僧到處應然無盡燈永夜出遊  
從萬騎諸笳入看擁千層便因行樂令投甲不  
用防秋更打冰振旅歸來還侍燕十分宣勸恐  
難勝

次韻王晉卿奉詔押高麗燕射

北苑傳呼陞楯郎東夷初識令君香天山自可  
三箭取海國何勞一葦航宣勸不辭金盃側醉

歸爭看玉鞭長錦囊詩草勤收拾莫遣鷄林得  
夜光

書晁說之考牧圖後

我昔在田間但知羊與牛川平牛背穩如駕百  
斛舟舟行無人岸自移我卧讀書牛不知前有  
百尾羊相隨聽我鞭聲如鼓鼙澤中草木長草  
長病牛羊尋山跨坑谷騰趨筋骨強煙簑雨笠  
長林下老去而今空見畫世間馬耳射東風悔  
不長作多牛翁

次王定國韻書丹元子寧極齋

仙人與吾輩寓迹同一塵何曾五漿餽但有爭  
席人人那識邴鑿天不留封倫誤落世網中俗  
物愁我身先生忽扣戶夜呼邴孔賓便欲隨子  
去著書未絕麟願掛神虎冠往卜飲馬鄰南遊  
苦不蚤儻及蓴鱸新

立春日小集呈李端叔

白髮已十載青春無一堪不驚新歲換聊與故  
人談牛健民聲喜鴉嬌雪意酣霏微不到地和

暖要宜蠶歲月斜川似風流曲水慙辛盤得青  
韭臘酒是黃柑歸卧燈殘帳醒聞葉打庵須煩  
李居士重說後三三

定州次韻曾仲錫元日見寄

蕭索東風兩鬢華年年幡勝剪宮花愁聞塞曲  
吹蘆管喜見春盤得蓼芽吾國舊供雲澤米君  
家新致雪坑茶燕南異事真堪記三寸黃柑擘  
永嘉

慈湖夾阻風

此生歸路愈茫然無數青山水拍天猶有小船  
來賣餅喜聞墟落在山前  
我行都是畫中詩真有人家水半扉千頃桑麻  
在船底空餘石髮挂魚衣  
卧看落月橫千丈起喚清風得半帆且並水村  
歌側過人間何處不巉巖

秧馬歌

過廬陵見宣德郎致仕魯君安止所作  
禾譜文旣溫雅事亦詳寔惜其有所缺

不諳農器也余昔遊武昌見農夫皆騎  
秧馬以榆棗爲腹欲其滑以楸桐爲背  
欲其輕腹如小舟昂其首尾背如覆瓦  
以便髀雀躍于泥中繫束藁其首以縛  
秧日行千畦較之偃僂而作者勞逸相  
絕矣史記禹乘四載泥行乘橇解者曰  
橇形如箕擿行泥上豈秧馬之類乎作  
秧馬歌一首附于禾譜之末云

春雲濛濛雨淒淒春秧欲老翠剡齊嗟我婦子  
行水泥朝分一隴暮千畦腰如篋篋首啄鷄筋  
煩骨殆聲酸嘶我有桐馬手自提頭尻軒昂腹  
脇低背如覆瓦去角奎以我兩足爲四蹄聳踊  
滑汰如鳧鷖纖纖束藁亦可齎何用繁纓與月  
題榻從畦東走畦西山城欲閉聞鼓鼙忽作的  
盧躍檀溪歸來挂壁從高棲子無芻秣飢不啼  
少壯騎汝逮老鰥何曾蹶軼方顛擠錦鞵公子  
朝金閨笑我一生蹋牛犁不知自有木馱隄

鬱孤臺

八境見圖畫鬱孤如舊遊山爲翠浪涌水作玉  
虹流日麗崆峒曉風酣章貢秋丹青未變葉鱗  
甲欲生洲嵐氣昏城樹灘聲入市樓煙雲侵嶺  
路草木半炎州故國千峯外南臺十日留他年  
三宿處準擬繫歸舟

峽山寺

天開清遠峽地轉凝碧灣我行無遲速攝衣步  
屣顏山僧本幽獨乞食况未還雲碓水自舂松  
門風爲關石泉解娛客琴筑鳴空山林空不可

見霧雨霾雲鬢

荔枝歎

十里一置飛塵灰五里一候兵火催顛坑仆谷  
相枕藉知是荔枝千騎來飛車跨山鵲橫海風  
枝露葉如新採宮中美人一破顏驚塵濺血流  
千載永元荔枝來交州天寶歲貢取之涪至今  
欲食林甫肉無人舉觴酬伯游我願天公憐赤  
子莫生尤物爲瘡痍君不見武夷溪邊金粟芽  
前丁後蔡相籠加爭新買寵各出意今年鬪品

克官茶吾君所乏豈此物致養口體何陋耶洛  
陽相君忠孝家可憐亦進姚黃花

新年

曉雨暗人日春愁連上元水生挑菜渚煙濕落  
梅村小市人歸盡孤舟鶴蹋翻猶堪慰寂莫漁  
火亂黃昏

北渚集羣鷺新年何所之盡歸喬木寺分占結  
巢枝生物會有役謀身各及時何當禁畢弋看  
引雪衣兒

海國空自暖春山無限青冰花結瘴雨雪菌到  
江城更待輕雷發先催凍笋生豐湖有藤菜似  
可敵葍羹

小邑浮橋外青山石岸東茶槍燒後有麥浪水  
前空萬戶不禁酒三年真識翁結茅來此住歲  
晚有誰同

荔子幾時熟花頭今已繁探春先揀樹買夏欲  
論園居士常携客叅軍許扣門明年更有味懷  
抱帶諸孫



丙子重九

三年瘴海上越嶠真我家登山作重九蠻菊秋  
未花惟有黃茆根堆壠生物窠蝨酒蘖衆毒酣  
甜如梨棗何以侑一樽隣翁餽鼉蛇亦復強取  
醉歡謠雜悲嗟今年吁惡歲僵仆如亂麻此會  
我雖健狂風卷朝霞使我如霜月孤光挂天涯  
西湖不欲往暮樹號寒鴉

觀碁

五老峯前白鶴遺趾長松蔭庭風日清美我時  
獨遊不逢一士誰歟棋者戶外屨二不聞人聲  
時聞落子紋枰坐對誰究此味空鉤意釣豈在  
魴鯉小兒近道剝啄信指勝固欣然敗亦可喜  
優哉游哉聊復爾耳

庚辰歲人日作時聞黃河已復北流老臣  
舊數論此今斯言乃驗

老去仍棲隔海村夢中時見作詩孫天涯已慣  
逢人日歸路猶欣過鬼門三策已應思賈誼孤  
忠終未赦虞翻典衣剝買河源米屈指新篇作

上元

不用長愁挂月村  
檳榔生子竹生孫  
新窠語燕還窺幕  
舊雨來人不到門  
春水蘆根看鶴立  
夕陽楓葉見鴉翻  
此生何處非泡影  
莫認家山作本元

澄邁驛通潮閣二首

倦客遙聞歸路遙  
眼明飛閣俯長橋  
貪觀白鷺橫秋浦  
不覺青林沒晚潮

餘生欲老海南村  
帝遣巫陽招我魂  
杳杳天低鶻沒處  
青山一髮是中原

昔在九江與蘇伯固唱和其畧曰我夢扁舟浮震澤雪浪橫空千頃白覺來滿眼是廬山倚天無數開青壁蓋寔夢也昨日又夢伯固手持乳香嬰兒示余覺而思之蓋南華賜物也豈復與伯固相見于此耶今得來書已在南華相待數日矣感歎不已故先寄此詩

扁舟震澤定何時  
滿眼廬山覺又非  
春草池塘

惠連夢上林鴻鴈子卿歸水香知是曹谿口眼  
淨同看古佛衣不向南華結香火此生何處是  
真依

余昔過嶺而南題詩龍泉鐘上今復過嶺  
而北次其韻

秋風卷黃落朝雨洗綠淨人貪歸路好節近中  
原正下嶺獨徐行艱危倍老成遙知叔孫子已  
致魯諸生

留題顯聖寺

渺渺疎林集晚鴉孤村煙火梵王家居人白種  
千頭橘遠客來尋百結花浮石已乾霜後水焦  
坑閒試雨前茶祇疑歸夢西南去翠竹江村繚  
白沙

雷州雜詩

白髮坐鉤黨南遷瀕海洲灌園以糊口身自雜  
蒼頭籬落秋暑中碧花蔓牽牛誰知把鋤人舊  
日東陵侯

荔子無幾何黃柑遽如許遷臣不惜日恣意移

歷代詩選 卷五 賦  
寒暑層巢俯雲木信美非吾土草芳自有時  
鵠何關汝

下居近流水小巢依嶺岑終日數椽間但聞鳥  
遺音爐香入幽夢海月明孤斟鷓鴣一枝足所  
恨非故林

培塿無松栢駕言此焉遊讀書與意會却掃可  
忘憂尺蠖以時屈其伸亦非求得歸良不惡未  
歸且淹留

粵嶺風俗殊有疾時勿藥束帶趨房祀用史巫  
紛若絃歌薦繭栗奴至沿觴酌呻吟殊未央更  
把鷄骨灼

海康臘已酉不論冬孟仲殺牛搗鼓祭城郭爲  
傾動雖非堯殞曆自我先人用苦笑荆楚人嘉  
平臘雲夢

舊時日南郡野女出成羣此去尚應遠東風已  
如雲蚩氓託絳布相就通慇懃可憐秋胡子不  
遇卓文君

和公濟飲湖上

昨夜醉歸還獨寢曉來宿雨鳴孤枕扁舟小棹  
截湖來正見青山駁雲錦須知老人興不淺莫  
學公榮無與飲與君歌鼓樂豐年喚收千夫食  
陳廩  
過海  
參橫斗落轉三更苦雨終風也解晴雲散月明  
誰點綴天容海色本澄清空餘曾叟乘桴意無  
復軒皇奏樂聲九死南荒吾不恨茲遊竒絕冠  
平生

送范德孺

漸覺東風料峭寒青蒿黃韭試春盤遙想慶州  
千嶂裏暮雲衰草雪漫漫

寒具

纖手搓來玉數尋碧油輕蘸嫩黃深夜來春睡  
濃于酒壓福佳人纏臂金

雨夜宿淨行院

芒屨不踏利名場一葉輕舟寄渺茫林下對牀  
聽夜雨靜無燈火照淒涼

歷代詩選 朱詹子賦

夢中絕句

秋樹高花欲插天  
暖風遲日共茫然  
落英滿地君方見  
惆悵春光又一年

藏春塢

朱閣前頭露井多  
碧桃枝下美人過  
寒泉未必能如此  
柰有銀牀素綆何

轆轤歌

新繫青絲百尺繩  
心在君家轆轤上  
我心皎潔君不知  
轆轤一轉一惆悵  
何處春風吹曉幕  
江

南綠水通珠閣  
美人二八顏如花  
泣向花前畏花落  
臨春風聽春鳥  
別時多見時少  
愁人一夜不得眠  
瑤井玉繩相對曉

還舊居和夢歸惠州白鶴山

痿人常念起  
夫我豈忘歸  
不敢夢故山  
恐興墳墓悲  
鸞城亦何有  
偶捨鶴毳遺  
窮魚守故沼  
聚沫猶相依  
夢與鄰翁言  
憫默憐我衰  
往來付造物  
未用相招麾

讀開元天寶遺事


歷代詩選 卷二十七 西

歷代詩選 宋 蘇子明 卷 羅

姚宋亡來事事興一官銖重萬人輕朔方老將  
風流在不取西番石堡城

潭裏春船百倍多廣陵銅器越溪羅三郎官爵  
如泥土爭唱弘農得寶歌

琵琶絃色滾梁州羯鼓聲高舞臂鞦韆破賢八姨  
三百萬大唐天子要纏頭



石倉十二代詩選

宋詩卷廿七終

